

KUALA LUMPUR, 8 APRIL (BERNAMA2 -- TIMBALAN PERDANA MENTERI DR. MAHATHIR MOHAMAD MENGGESA GABUNGAN PELAJAR-PELAJAR MELAYU SEMENANJUNG (GPMS2 MEMPERGIATKAN LAGI KHI MAT BIMBINGAN PELAJARANNYA BAGI MURID-MURID SEKOLAH RENDAH.

DR. MAHATHIR YANG JUGA MENTERI PELAJARAN MENEGASKAN WALAUPUN RAMAI MURID MELAYU LULUS PEPERIKSAAN PERINGKAT SEKOLAH RENDAH DAN MENENGAH, MASIH BANYAK LAGI USAHA PERLU DIJALANKAN UNTUK MEMPERBAIKI MUTU PENCAPAIAN MEREKA.

MUTU PENCAPAIAN YANG LEBIH TINGGI DIPERLUKAN SUPAYA MEREKA BOLEH LEBIH BERJAYA MENGIKUT PELAJARAN YANG LEBIH TINGGI DI SEMUA PERINGKAT, TEGASNYA.

DR. MAHATHIR MENYATAKAN DEMIKIAN DALAM PERUTUSANNYA SEMPENA SIDANG AGUNG GABUNGAN TERSEBUT DI UNIVERSITI MALAYA DI SINI.

DR. MAHATHIR MEMUJI BADAN TERSEBUT KERANA TELAH BERJAYA MENGEKALKAN PERJUANGANNYA SELAMA 29 TAHUN.

DALAM TEMPOH ITU, KATANYA, RAMAI PARA PELAJAR MELAYU DI SEMUA PERINGKAT TELAH MENDAPAT SEDIKIT SEBANYAK SUMBANGAN BERFAEDAH BADAN ITU KHASNYA DALAM BIDANG BIMBINGAN PELAJARAN. -- BERSAMBUNG 1253/ZCM

££

B524:

GPMS - PERUTUSAN 2 KUALA LUMPUR

DR. MAHATHIR LALU MENYERU MASYARAKAT MELAYU SUPAYA TERUS MEMBERIKAN SOKONGAN KEPADA GPMS UNTUK MEMBOLEHKANNYA MEMAJUKAN LAGI KEGIATANNYA.

MENTERI PERDAGANGAN DAN PERINDUSTRIAN, DATUK HAMZAH ABU SAMAH PULA BERHARAP GPMS AKAN MENKKAJI KEMUNGKINAN MENYERTAI BIDANG PERDAGANGAN, PERNIAGAAN DAN JUGA PERINDUSTRIAN.

BELIAU BERPENDAPAT GABUNGAN ITU PERLU MEMPUNYAI KEDUDUKAN EKONOMI YANG KUAT JIKA IA MAHUKAN KEJAYAAN LEBIH CEMERLANG DALAM SEGALA KEGIATANNYA.

MENTERI PERUSAHAAN UTAMA, DATUK MUSA HITAM BERHARAP GPMS AKAN TERUS DAPAT MENAMPUNG KEPERLUAN NEGARA DALAM MENYEDIAKAN BAKAL-BAKAL PEMIMPIN NEGARA.

NEGARA, KATA BELIAU, BERKEHENDAKKAN PARA PEMIMPIN YANG DAPAT MEMPERSEIMBANGKAN PERKEMBANGAN IKTISAD DAN PERKEMBANGAN KEROHANIAN UNTUK MEMPERKUKUHKAN LAGI PEMBANGUNAN NEGARA.

ADALAH DIHARAP DENGAN ADANYA PERSEIMBANGAN INI, KITA AKAN DAPAT MENGELAKKAN BERLAKUNYA PENYELEWENGAN TERHADAP DASAR KERAJAAN DAN MENJAMINKAN KEJAYAANNYA DENGAN LEBIH BERKESAN LAGI, + KATANYA.

— BERNAMA 1300/ZCM